

Pilimon Pol Pilimon nop mịj ñu kıl tıkak

¹ Yad Pol. Krais Jisas nop wög gen, yıp miñ lel midebin. Yad mam cın Timoti eip midil, niþep mij niþaul ñu kıl tıkobır.

Mam tep cın Pilimon, cın wög jım ñıl gipin.

² Nak ak, ai cın Apia ak, bı cın eip God wög kılıs gıl gip Akipas ak, Krais Jisas bin bı ne karıp nep apıl God nop sobok gipim okok magılse, niþep mij aul ñu kıl tıkobır.

³ God Bapi cın abe, Bı Kıt Jisas Krais abe, niþep yimig niñıl dı tep gıl kod mider, niþi kapkap mid tep gi midenimib.

Bin bı God nop niñ dipal okok kırop midmagıl lipan, agak

⁴⁻⁵ Nak Bı Kıt Jisas nop niñ dılıg gi, God bin bı ne okok kırop magılse midmagıl lipan ak yıp agel niñıl, yad God yad nop sobok gılıg gi, nep gos niñıl per nep tep apin.

⁶ Yad God nop apin, “Bapi. Cın Pilimon eip Krais miñim tep ak ag amıl apıl gıl me, cınop bin bı Krais nop niñ dıl cıg gılıg gi midobın okok tap tep tari tari niñban ak, Pilimon ne magılse niñ tep giñimij,” apin.

⁷ Pen mam tep yad Pilimon niñjan! Nak God bin bı ne okok kırop midmagıl yıb lipan ak, kiri midmagıl nab kiri adañ miñ miñ gipal. Yad ak rek nep niñıl miñ miñ gılıg gi gos sek midebin.

Onesimas nop milik ma niñnimin, agak

8 Nak God bin bı ne okok kırop mıdmagıl yıb lıpan ak nınıjıl, nak yad Krais bı ne mamıl mal mıdobır rek, yad nep mınım kılis agıl nak nıg gınımın nıg gınımın apnep.

9 Yad Pol mınıi bı mılep lıpin. Krais Jisas mınım tep ak ag nıi ajen, yıp mını lel mıdebin rek, nep mınım kılis agnıg apnep ak pen nep nıg ma agnıgain. Nak bı mıdmagıl yad mıdeban rek, yad agebin rek gınımın.

10 Pen mınım yad ak, Onesimas ne nıi yad ke rek lıp. Nep wög gıl kırig amnak ak, sınıaul yad eip mını mıdiıl, Krais mınım tep ak ag nıen nıj dıp ak me, yad nap ne rek mıdebin; ne nıi yad ke rek mıdeb.

11 Ned ne nep wög gı nıi tep ma goligıp; pen mınıi ne nep wög gı nıi tep gıl, yıp wög gı nıi tep gıl gınıgab.

12 Pen nıi mıdmagıl yad rek ak nep ag yokebin.

13 Ned ag nınıjıl mınım nak ak dıl rek, nop ma ag yokpnep. Krais mınım tep agen, yıp mını lel mıdebin sınıaul, nak apıl yıp kod mıdenimın rek ma lıp ak, Onesimas yıp kod mıdobkop.

14 Pen yad gos yad ke Onesimas nop dı mıdenigıgain ak yıpıd gıl ma gınıgab, agıl, nop ned ag yokıl, nep kısen ag nınıebin. Yıp ker kısen ag yoknıg, ag yoknımın.

15 Yad gos nıpin e, God ne ke gek, Onesimas nep won sıkıol eñap kırig gıl amıb ak me, mını nep adık gı apıl nak eip per per mıdenimın.

16 Pen mını nop yokop mını wög gep bı nak alap ma nınınıgaban; mını nop mam mıdmagıl cır mal yıpıd gıl rek nınınıgaban. Ne mam mıdmagıl yad yıb, pen ne bı mını wög gı nıeb nak mıdeb ak me,

nak miñ miñ gıl bı miñ wög gı ñeb tep alap abe,
Bı Kıt bı ne mam tep alap abe dınigan.

17 Nıb ak, yıp bı nıñep nak yıb rek, Bı Kıt wög eip gıpır, agıl nıpan ak, ñı Onesimas nop ag gınım, agıl gos ak ma nıñımın. Yad amjaken yıp dı tep gıpnap rek ak, nop ak rek nep dı tep gınımın.

18 Pen ne nep gı tımel gıp aka tap ognap pen ma ñıb, agıl, mınım ognap mıdonımın, nop ma agnímın; mınım nıbak yıp agnímın. Agek, yad nep pen ñıñigain.

19 Nıñıd agebin rek, yıb yad ke mij sek ñu kıl tıkıl lebin. Pen yad Krais mınım tep ak nep ag ñen nak nıñ dıl, Krais Jisas bı ne mıdeban ak, nep ma agnígain; nak ke bır nıpan.

20 Mam yad. Bı Kıt nop wög eip gıpır rek, agebin rek nep gınımın. Krais cırop mal dı tep gek mamil mal mıdobır rek, nak nıg gınımın nıñıl yad miñ miñ gınigain.

21 Yad agebin rek nep mer, nak ke gos nıñ tep gıpan ar ak nep nıñıl, Onesimas nop ar nıbak nep gınigan, agıl, tep gek nıñlıg gı nep mij nıbaul ñu kıl tıkebin.

22 Mınım nokım alap nep mıdeb. Yıp karıp magıl ñılık mıgan alap nıñıl dı lı tep gınımın. Nıbi magılsek God nop sobok gıpım rek, man mıdeb miñ kırıg gıl nıñım rek lıp, agıl, gos sek mıdebin.

Pol minım ag mıbil juak

23 Bı nak Epapras ak rek nep Krais Jisas mınım ag ñek, nop miñ lel, yad eip miñ mıdobır sıñaul. Ne nep “Mıdeban?” ageb.

24 Bi wög j̄im n̄il ḡipin bi okok, Mak ak, Aristikas ak, Demas ak, Luk ak nep “M̄deban?” agebal.

25 Bi K̄ib Jisas Krais n̄bep bin bi okok ȳm̄ig n̄n̄il kod m̄denim̄n̄.

MINIM KOMIN

**The New Testament in the Minimib dialect of the
Kalam language of Papua New Guinea**

Nupela Testamen long tokples Minimib long Niugini

copyright © 2008 Wycliffe Bible Translators, Inc.

Language: Minimib (Minimib dialect of Kalam)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 31 Aug 2023

c3b0a7e5-6c23-5e97-9419-62054c911996